

موشح ليلة الوحشة - عمّار محمّد يعقوب - محرّم الحرام 1446 هـ -

زينب ترفع الصيحة للحسين:

" تعال ادركنا بعدك صرنا ميتين

ظلّينا بلا خيام وبلا امعين"

يخويه يخويه

* * * * *

خوية ادركنا من بعدك سبايا نصير
وما عدنا يبو الغيرة نتيف احصير
كلها احترقت وصرنا بلايا انصير
رحت وراحت العيلة، كبير اصغير

"إن كنتَ حيًّا" .. أدرك حريمك .. تعال

"إن كنتَ ميتًا" .. فالأمرُ لله .. يُحال

ولرّبّي بمصابي اصرخ "يا رحمن

رّبّي تقبل المذبوح قربان

وببقى صابرة عاجور الازمان"

يخويه يخويه

موشح ليلة الوحشة - عمّار محمّد يعقوب - محرّم الحرام 1446 هـ -

زينب ترفع الصيحة للحسين:

" تعال ادركنا بعدك صرنا ميتين

ظلّينا بلا خيام وبلا امعين "

يخويه يخويه

** ** *

وتسمع يالعزيز امانادي عدوانك

"طلّعوا الخيل" واشوفنها ركض جانك

علت ظهرك وما راعت عظم شانك

وما رحمت دليلي وكثرت احزانك

تالي يحسره .. ضربوني صطره .. ونخيت

"وينك يروحي .. كثرت جروحي" .. وبجيت

حاطتني الأعادي بكل رزية

ولطمتني المآسي اللي عليه

وذي اتجي إلي.. بس وش بيديه؟

يخويه يخويه

موشح ليلة الوحشة - عمّار محمّد يعقوب - محرّم الحرام 1446 هـ -

زينب ترفع الصيحة للحسين:

" تعال ادركنا بعدك صرنا ميتين

ظّلينا بلا خيام وبلا امعين"

يخويه يخويه

** ** *

وانظر بالأخو اصغارك في وسط البرّ

تتراكض فزريعة وبالجتث تعثر

ووسط البيده شافوا جسمك موذّر

وصاحوا "يالولي بالزهره لنا احضر"

صرنا سبايا .. وانتو عرايا .. وسفّ

وهمّ كل شي سلبوه .. وكل غالي ضربوه .. ونزفّ

صرنا بحيره يا سيد الميامين

متعويين وننخاكم في كل حين

وظلينا بلا خيام وبلا امعين

يخويه يخويه

موشح ليلة الوحشة - عمّار محمّد يعقوب - محرّم الحرام 1446 هـ -

زينب ترفع الصيحة للحسين:

" تعال ادركنا بعدك صرنا ميتين

ظّلينا بلا خيام وبلا امعين "

يخويه يخويه

** ** *

وأخر شكوى يا خويه مهّي منّي

آخرها من السّجاد تفتّ حزني

يقولنّ ليكّ ما يقدر على وتّي

ولا عالمشية بين الناس ومسلبيّي

كلمن علينا .. كشفها عينه .. وشمّت

وبعد الشّماتة .. طاحت عصاته .. وصمت

وصار ابكل مسيرتنا ينعي

وأنا أمن النعي ينهمر دمعي

ومن بعد البجي ينضرب ضلعي

يخويه يخويه